

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

CIK donio odluku o raspisivanju lokalnih izbora	1
Vlada FBiH prihvatila zaduženje za vodoopskrbu Čapljine	1
Vlada FBiH utvrdila Prijedlog Zakona o koncesijama	2
U Glamoču u planu izgradnja turističko-sportskog i rekreacionog kompleksa	2
Prezentiran model prikupljanja komunalnog otpada	3
U Glamoču se gradi vjetropark snage 110 MW	3
Potpisano pismo namjere o izgradnji toplane na biomasu u B.Krupi	4
Pušten u rad digitalizirani sistem za uzbunjivanje stanovništva	4
Potpisana izjava o politici energetske efikasnosti i zaštite okoliša	5
U kompleks Sanske Ilidže ulaže se 5 mil.KM	5
Usvojen plan upravljanja otpadom za područje općine Lukavac za period 2012-2018.	5
Program obilježavanja Dana Općine Čitluk	6
Održana svečana akademija u povodu obilježavanja Dana Europe	6
Data saglasnost za izgradnju regionalne deponije	7
Održan konstituirajući sastanak Koordinacionog tijela za obuku zaposlenika u JLS	7
Savez pripremio set dokumenata koji se odnose na fiskalnu politiku i programsko budžetiranje u BiH	8
NAJAVA svečane dodjele Beacon priznanja	9

Bilten Saveza općina i gradova Federacije Bosne i Hercegovine

CIK DONIO ODLUKU O RASPISIVANJU LOKALNIH IZBORA 2012

Centralna izborna komisija Bosne i Hercegovine (CIK) je na 19. sjednici održanoj 07. maja/svibnja donijela odluku o raspisivanju i održavanju lokalnih izbora 2012. godine u Bosni i Hercegovini. Lokalni izbori održat će se u nedjelju 07. oktobra/listopada.

Ovom odlukom raspisani su neposredni izbori za: 78 općinskih vijeća u Federaciji BiH, 61 skupštinu opštine u Republici Srpskoj, 139 načelnika općina u BiH, Skupštinu Brčko Distrikta BiH, Skupštinu Grada Banja Luka i gradonačelnika Grada Banja Luka.

CIK nije donio odluku o datumu održavanja izbora za Grad Mostar, već će posebnom odlukom raspisati izbore za Gradsko vijeće Grada Mostara, s obzirom da je Ustavni sud BiH utvrdio da su neke izborne odredbe koje se odnose na FBiH u neskladu sa Statutom Grada Mostara i dao šest mjeseci da se to reguliše. Pošto to nije urađeno dosad, lokalnih izbora u Mostaru zasad neće biti, a raspisat će se nakon što se za to steknu uslovi.

Lokalni izbori za Općinsko vijeće i načelnika Općine Srebrenica bit će sprovedeni u skladu sa Izbornim zakonom BiH.

U skladu sa Uputstvom o rokovima i redosljedu izbornih aktivnosti za Lokalne izbore 2012. godine, dana 25.05.2012. godine u 16:00 sati ističe rok za podnošenje prijave za ovjeru političkih stranaka, nezavisnih kandidata, udruženja i grupa za učešće na izborima.

Do 10.05.2012. godine do 16:00 sati potrebnu dokumentaciju za podnošenje prijave preuzela je 51 politička stranka i 55 nezavisnih kandidata.

Na lokalnim izborima, prema podacima pristiglim zaključno s današnjim danom, pravo glasa imat će oko tri miliona birača. Iz CIK-a je saopćeno da od danas teče rok za prijavu kandidata. Također, od danas pa do 14. jula/srpnja ove godine teče rok za prijavu birača za glasanje putem pošte.

Za ovogodišnje lokalne izbore iz budžeta BiH bi trebalo biti izdvojeno 4,3 miliona KM, a preostali dio u iznosu od oko 4,5 miliona KM snosit će općine.



VLADA FBiH PRIHVATILA ZADUŽENJE ZA VODOOPSKRBU ČAPLJINE



SARAJEVO, 03. maj/svibanj – Vlada Federacije BiH je, na svojoj 47. sjednici, koja je održana 30. aprila/travnja u Sarajevu, donijela Odluku o prihvatanju zaduženja FBiH po Ugovoru o zajmu između Bosne i Hercegovine i Evropske banke za obnovu i razvoj (EBRD) u iznosu do pet miliona eura za realizaciju Projekta vodoopskrbe Općine Čapljina.

Njime će se dugoročno osigurati uvjeti za kontinuiranu i kvalitetnu vodoopskrbu područja ove općine i znatno smanjiti gubici u postojećoj mreži, te stvoriti uvjeti za priključenje novih korisnika na javni sistem vodovoda.

Zajam je odobren s rokom otplate od 15 godina, uz grejs period od tri godine i otplatama u jednakim polugodišnjim ratama 15. februara i 15. augusta svake godine.

Vlada je dala saglasnost za zaključivanje Supsidijarnog sporazuma o zajmu između Bosne i Hercegovine i Federacije BiH i Podugovora o zajmu između Federacije BiH i Općine Čapljina.

Ovo je strateški projekat Općine Čapljina kojim treba poboljšati vodosnabdijevanje na ovom području.

Projekat obuhvata radove na uspostavi vodoopskrbnih sistema platoa Dubravske visoravni, kao i u naseljima Trebižat, Prčavci i Zvirovići, te obnovu i rekonstrukciju Centralnog vodoopskrbnog sistema.

Krajnji korisnik i dužnik ovog kredita je Općina Čapljina.

VLADA FBiH UTVRDILA PRIJEDLOG ZAKONA O KONCESIJAMA

MOSTAR, 10. maj/svibanj – Federalna vlada danas je utvrdila Prijedlog zakona o koncesijama FBiH u koji su ugrađeni amandmani iz javne rasprave, navodi se iz ureda za odnose sa javnošću Vlade FBiH. Naime, Federalno ministarstvo prostornog uređenja je, u suradnji s nadležnim odborima Parlamenta FBiH, o Nacrtu ovog dokumenta održalo osam javnih rasprava u većim regionalnim centrima na području Federacije.

Cilj ovog zakonskog projekta jačanje gospodarskog razvoja Federacije, stvaranje učinkovitog pravnog okvira za promoviranje i olakšavanje provedbe i razvitak koncesijskih projekata, te unaprjeđenje transparentnosti procesa dodjeljivanja koncesija.

Zakon se odnosi na dodjelu koncesija za obavljanje gospodarskih djelatnosti i usluga, te izvođenje radova u oblastima javnih cesta, luka, zračnih luka, željeznica, korištenja voda i javnog vodnog dobra, komunalne djelatnosti, održavanja zaštitnih vodnih objekata ili riječnih korita, hidroakumulacija, pitkih, ljekovitih, termalnih, termomineralnih i mineralnih voda, hidromelioracijskih sustava, energetskih objekata, mineralnih sirovina, podzemnih voda i geotermalne energije, građevinskog zemljišta, lovišta, ribolovnih voda, cjevovoda i terminala za skladištenje i transport tekućina i plinova, poljoprivrednog zemljišta, kulturnih dobara, djelatnosti upravljanja otpadom, neškodljivog uklanjanja organskog otpada, skijaških centara i žičara, riječnog prijevoza, sporta i turizma.

Koncesija se može dati i za druge oblasti i djelatnosti.

Prijedlogom zakona o koncesijama FBiH propisana je inicijativa javnog i privatnog sektora, tako da identifikaciju potencijalnih koncesionih projekata obavljaju nadležna tijela javnog sektora, ali i fizičke i pravne osobe putem samoinicijativne ponude. Ovim rješenjem su u potpunosti ispoštovani zahtjevi iz javnih rasprava održanih o ovom zakonskom projektu.

Koncedenti (vlade FBiH i kantona, te općinska vijeća) svojim odlukama započinju proces izbora i konačnog odabira najboljeg ponuđača.

U GLAMOČU U PLANU IZGRADNJA TURISTIČKO-SPORTSKOG I REKREACIONOG
KOMPLEKSA VRIJEDNOG OKO 15 MILIONA EURA

Na području Glamoča planirana je izgradnja turističkog i sportsko-rekreativnog kompleksa Hrast vrijednog oko 15 miliona eura.

Budući investitor kompanija Bili Kamen iz Glamoča projekat planira započeti ove ili naredne godine. Trenutni problem su finansijska sredstva, koja planiraju osigurati putem kredita, nakon što pribave sve potrebne dozvole za gradnju.

Studija uticaja na okoliš za ovaj projekat već ne javnom uvidu kod Federalnog ministarstva okoliša i turizma, a za 11. maj/svibanj zakazana je i javna rasprava u Glamoču.

Prema ugovoru o koncesiji područje projekta obuhvata površinu oko 190 ha na kojoj će se graditi parking prostori, hotel sa četiri zvjezdice, hotel sa sportskim terenom, bungalovi, teniski i košarkaški tereni, ski staze, šetnice.

U okviru kompleksa nalaziti će se i ugostiteljski objekat Jezero koji će biti izgrađen na umjetnom otoku površine oko 600 m². Veličina objekta bit će 30x12, a cijeli objekat zamišljeno je da bude napravljen od prirodnih materijala.

Imajući u vidu da se cijeli kompleks zamišlja kao jedinstven "Sportsko-rekreativski centar" izgradnja sportskih objekata je prioritet za funkcionisanje centra. Tako je predviđena gradnja jednog nogometnog terena, tri nogometna igrališta, od kojih jedno sa atelstkom stazom i drugim sadržajima za atletiku, osam terena za tenis, teren odbojke na pijesku, univerzalni teren za košarku, rukomet.

Izgradnja ski-centra predviđena je na padinama obronaka Mali i Veliki Rajan. Ski centar obuhvatit će tri staze. Ukupna dužina staza iznositi će 4.5 - 5 km, dok će širina pojasa staze biti oko 50 m. Za normalno funkcionisanje ski centra neophodna je i izgradnja žičare četverosjeda, kojom bi se optimalno sa do 1.500 gostiju na sat moglo osigurati normalan rad ski centra. Što se tiče koncepcije turističkog i sportskog rekreativnog kompleksa Hrast biće usmjerena na slobodno korištenje prirodnih resursa i rekreativskih sadržaja.



Glamoč-panorama

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

područje projekta
obuhvata površinu oko 190
ha na kojoj će se graditi
parking prostori, hotel sa
četiri zvjezdice, hotel sa
sportskim terenom,
bungalovi, teniski i
košarkaški tereni, ski
staze, šetnice.



Grb Općine Glamoč

Savez / Zajedno za uređenu i razvijenu lokalnu samoupravu

PREZENTIRAN MODEL ZBRINJAVANJA KOMUNALNOG OTPADA

TUZLA, 04. maj/svibanj – Kao jedna od mogućnosti zbrinjavanja komunalnog otpada na području Tuzlanskog kantona, danas je u prostorijama Ministarstva prostornog uređenja i zaštite okolice prezentiran savremeni model zbrinjavanja komunalnog otpada pod nazivom „Maximum Yield Technology“. Kako je istaknuto radi se o operativno pouzdanoj i ispitanoj tehnologiji koja je u potpunosti ekološki prihvatljiva. „Radi se o novom, inovativnom procesu za tretiranje i korištenje kućnog otpada. Cilj ove metode jeste da izvuče sve sirovinke komponente i energiju iz otpada. Umjesto spaljivanja ili prostog odlaganja komunalnog otpada



ova metoda nudi optimum ekonomske iskorištenosti otpada u formi sekundarnih sirovina, kvalitetnog goriva, te visoko energetske biogase“ istakli su Sanja Lopar, predstavnik SH+E grupacije te Muris Pozderac u ime Sektora privrede Vanjskotrgovinske komore Bosne i Hercegovine, te dodali da od ukupno prikupljenog otpada ovom metodom iskorištava se oko 98%, dok samo 2% od prikupljene mase ostaje neiskorišteno.

Na kraju prezentacije, kojoj su u ime Vlade Tuzlanskog kantona prisustvovali Senija Bubić, Ministrica prostornog uređenja i zaštite okolice, Željko Knežiček, Ministar industrije, energetike i rudarstva, Aziz Čačković, Ministar trgovine, turizma i saobraćaja, Imšir Škahić, Ministar poljoprivrede, vodoprivrede i šumarstva, te predstavnici Rudarskog instituta iz Tuzle, iskazana je zahvalnost za prezentirani projekat, a u vezi sa eventualnom realizacijom razgovori će biti nastavljeni nakon provedenih lokalnih izbora u Bosni i Hercegovini.

U GLAMOČU SE GRADI VJETROPARK SNAGE 110 MW

Zahtjev za izdavanje okolinske dozvole za izgradnju vjetroelektrane Škadimovac u Glamoču investitora WBL city project Banja Luka nalazi se na javnom uvidu kod Federalnog ministarstva okoliša i turizma.

Planirana vjetroelektrana imat će snagu od 110 MW.

Projekat se nalazi u fazi instalacije ispitnih stubova za mjerenje brzine vjetra.

Opremu instalira firma MIBO komunikacije iz Sarajeva, a rok završetka faze ispitivanja i projektovanja vjetroelektrane je oktobar 2012. godine. Izgradnja i početak proizvodnje se očekuje 2013. godine.



Buduća vjetroelektrana prostirat će se dužinom od 17 km i širinom 8 km, gdje će biti postavljeno oko 55 vjetroturbina od kojih će svaka biti jačine dva MW.


Investitor očekuje da će ovoga mjeseca biti potpisan i koncesioni ugovor kako bi se nastavilo dalje sa projektom, odnosno završetkom projektne dokumentacije i infrastrukturnim radovima.

Vrijednost investicije je oko 270 miliona maraka.

Kompanija WBL city project je osnovana 2003. godine i jedna je od prvih privatnih kompanija u Bosni i Hercegovini koja se odlučila da ulaže u izgradnju elektroenergetskih objekata, koji su bazirani na obnovljivim izvorima energije, u ovom slučaju baziranim na energiji vjetra.

„Radi se o novom, inovativnom procesu za tretiranje i korištenje kućnog otpada. Cilj ove metode jeste da izvuče sve sirovinke komponente i energiju iz otpada...“

Buduća vjetroelektrana prostirat će se dužinom od 17 km i širinom 8 km, gdje će biti postavljeno oko 55 vjetroturbina od kojih će svaka biti jačine dva MW.



Glamoč





Grb Općine Bosanska Krupa



Obilazak toplane u Komlu

POTPISANO PISMO NAMJERE O IZGRADNJI TOPLANE NA BIOMASU U BOSANSKOJ KRUPI

BOSANSKA KRUPA, 09. maj/svibanj – Načelnik Općine Bosanska Krupa Armin Halitović zajedno sa svojim saradnicima, savjetnikom Emirom Tatarevićem, referentom za zaštitu okoliša Esmom Hergić, te direktorom JKP „10. juli“ Nijazom Tatarevićem, boravio je u službenoj posjeti u Mađarskoj.

Općinska delegacija razgovarala je sa predstavnicima kompanije MVM OVIT Zrt. o aktivnostima koje je potrebno provesti da bi se krenulo u izgradnju toplane na području općine Bosanska Krupa.

Posjeta koja je rezultat već održanog sastanka u Sarajevu 18.4.2012. godine, iskorištena je svakako da se obiđe i toplana u gradu Komlu gdje su se načelnik i njegovi saradnici upoznali sa čitavim projektom.

Nakon konstruktivnih razgovora i dogovora potpisano je Pismo namjere između Općine Bosanska Krupa i firme MVM OVIT Zrt., kojim su se stekli uslovi za početak priprema na realizaciji projekta. Obaveza Općine Bosanska Krupa u narednom periodu jeste da uradi anketu među stanovnicima i privrednicima o zainteresiranosti priključka na toplovod, da se nakon toga krene u izradu studije izvodljivosti, zatim da se uradi idejni te glavni projekt čime bi se opravdala cjelokupna investicija. Ovaj projekat ima višestruk značaj za Bosansku Krupu. Smanjit će se troškovi za grijanje u domaćinstvima, smanjit će se sječa šuma što će doprinjeti očuvanju životne sredine, okoliša, te smanjenju emisija štetnih gasova.

Ukoliko bude sve teklo prema zamišljenom planu, izgradnja toplane u Bosanskoj Krupi bi trebala početi u oktobru/listopadu 2014. godine.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmedmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Kompletna oprema je instalirana u zgradi općine odakle se daljinski upravlja sistemom i na repetitoru Radostovo čime je 1/3 općine pokrivena signalom. U budućnosti se planira dogradnja ovog sistema kako bi se pokrio kompletan prostor općine sa još tri udaljene stanice za uzbinjivanje i obavještanje

PUŠTEN U RAD DIGITALIZIRANI SISTEM ZA UZBINJIVANJE STANOVNIŠTVA



BUŽIM, 09. maj/svibanj – Civilna zaštita Općine Bužim uspješno je privela kraju prvu fazu projekta ranog obavještanja i uzbinjivanja stanovništva, a načelnik općine Mirsad Šahinović je pustio ovaj digitalizirani sistem u rad ukupne vrijednosti od 31.000,00 KM.

Kompletna oprema je instalirana u zgradi općine odakle se daljinski upravlja sistemom i na repetitoru Radostovo čime je 1/3 općine pokrivena signalom. U budućnosti se planira dogradnja ovog sistema kako bi se pokrio kompletan prostor općine sa još tri udaljene

stanice za uzbinjivanje i obavještanje, koje je struka definisala kao najbolje lokacije.

Cijeli sistem je temeljen na GPRS tehnologiji. Sistem za bežično uzbinjivanje sastoji se od centralne stanice i udaljenih stanica. Centralna stanica sadrži potreban softver za vizualizaciju i vezu, te softver potreban za komunikaciju s udaljenim stanicama. Preko centralne stanice vrši se nadzor i upravljanje sustavom, tj. svim stanicama istovremeno ili zasebno i sa svim vrstama uzbuna. Sustav za bežično uzbinjivanje je brz i može se veoma efikasno upotrebljavati i pravovremeno obavještavati i uzbinjivati stanovništvo o požarima, elementarnim nepogodama i drugim opasnostima.

Civilna zaštita Općine Bužim nastavlja sa svojim aktivnostima i ispunjavanju svih svojih obavaza, pa se privode kraju aktivnosti oko kupovine opreme za povjerenike CZ iz svih Mjesnih zajednica, te nabavke i uspostavljanja radio veze. U proteklom periodu CZ je uskladila sve normativne akte u skladu sa zakonom, donešeni su svi potrebni pravilnici i uputstva u cilju što efikasnijeg djelovanja u kriznim situacijama.



POTPISANA IZJAVA O POLITICI ENERGETSKE EFIKASNOSTI I ZAŠTITI OKOLIŠA

GRADAČAC, 03. maj/svibanj – Općina Gradačac uspostavila je usku saradnju sa Centrom za razvoj i podršku (CRP) u cilju unapređenja energetske efikasnosti i zaštite životne sredine. I prije uspostavljanja ove saradnje, Općina Gradačac je poduzela odgovarajuće mjere koje su rezultirale znatnim uštedama električne energije u uličnoj rasvjeti. Strateško opredjeljenje općine Gradačac je postizanje visoke efikasnosti u potrošnji električne energije i zaštite okoline. Na tragu realizacije ovog opredjeljenja Općinski načelnik i predsjedavajući Općinskog vijeća danas su potpisali Izjavu o politici energetske efikasnosti i zaštite okoline. Ovim strateškim opredjeljenjem namjeravaju se smanjiti troškovi za utrošenu energiju u iznosu od 5% svake godine tokom sljedećih 5 godina. U istom razdoblju cilj je smanjiti emisiju stakleničkih plinova za 2 000 tona na godinu. Cilj je, kroz upravljanje troškova za energiju, poboljšati ekonomsku efikasnost i kontinuirano raditi na očuvanju okoline.

Kroz redovno praćenje ostvarenja ciljeva i javno izjašnjavanje uspostaviti će se saradnja sa osobama educiranim za praćenje provođenja energetske efikasnosti. Također će se uspostaviti sistem mjerenja i potrošnje energije i njen uticaj na okolinu.

Provedba politike energetske efikasnosti i zaštite životne sredine provodit će se sljedećih pet godina.

U KOMPLEKS SANSKE ILIDŽE ULAŽE SE 5 MIL. KM

U banjsko-lječilišnom centru "Sanska Ilidža" kod Sanskog Mosta, počela je izgradnja novih turističkih sadržaja, a u proširenje ovog kompleksa u tri godine bit će uloženo oko pet miliona maraka.

Banja Ilidža poznato je lječilište sa termalnom vodom, kojeg je prije tri godine privatizirao Aziz Mujdžić, biznismen porijeklom iz Prijedora koji skoro četrdeset godina živi i radi u Švedskoj. Kupac je na ovoj lokaciji najavio izgradnju savremenog banjskog i rekreativnog kompleksa sa brojnim turističkim, sportskim i ugostiteljskim sadržajima.

Građevinski radovi na izgradnji dva nova bazena te sanaciju postojećih kapaciteta odvijat će se po fazama, kako bi se prilagodili ljetnog sezoni.

U planu je proširenje postojećeg velikog bazena, izgradnja restorana sa 120 mjesta, fitnes sale, prostora za fizioterapiju, saune te dodatnih smještajnih kapaciteta.

Cjelokupan projekat bi trebao biti završen do kraja 2014. godine.

Banjom Sanska Ilidža, prije nego je prešla u privatne ruke, upravljalo je Općinska organizacija ratnih vojnih invalida Sanski Most Erving SM, koji nisu uspjeli pronaći održiv koncept poslovanja.

Novi kupac je odlučio da iskoristi potencijale izvorišta ljekovite vode i Sansku Ilidžu pretvori u jedno od najprepoznatljivijih turističkih destinacija na ovom području.



Gradačac, potpisivanje izjave

U planu je proširenje postojećeg velikog bazena, izgradnja restorana sa 120 mjesta, fitnes sale, prostora za fizioterapiju, saune te dodatnih smještajnih kapaciteta. Cjelokupan projekat bi trebao biti završen do kraja 2014.

USVOJEN PLAN UPRAVLJANJA OTPADOM ZA PODRUČJE OPĆINE LUKAVAC ZA PERIOD 2012. – 2018.

LUKAVAC, 03. maj/svibanj – Na 46. sjednici Općinskog vijeća Općine Lukavac usvojen je Plan upravljanja otpadom za područje Općine Lukavac za period 2012. – 2018. Plan je izrađen u saradnji sa nevladinim organizacijama Centar za menadžment, razvoj i planiranje – MDP Inicijative iz Doboja i Udruženjem za zaštitu flore i faune iz Lukavca.

Općinski načelnik Dževad Mujkić je 22. juna/lipnja 2011. godine formirao Tim za izradu ovog plana, koji je utvrdio Program aktivnosti. Tim je izradio i Program aktivnosti informisanja i učešća građana u toku procesa izrade i realizacije Plana upravljanja otpadom, a u skladu sa principima Arhuske konvencije, tj. smjernicama za uključivanje javnosti, u cilju što kvalitetnije i transparentnije izrade ovog plana. Tako je početkom februara/veljače 2012. g. Nacrt plana dostavljen svim vijećima, MZ i medijima na području Općine Lukavac na uvid, a od 28. februara/veljače do 15. marta/ožujka održano je šest javnih rasprava. One su bile prilika za sve građane da svojim primjedbama, sugestijama, mišljenjima i prijedlozima, uzmu direktno učešće u izradi finalne verzije Plana. Plan upravljanja otpadom za područje Općine Lukavac za period 2012. – 2018. g. objavljen je i na zvaničnoj općinskoj stranici (www.lukavac.ba), u dijelu informacija koje su vezane za ekologiju.



**OPĆINA
LUKAVAC**
Bosna i Hercegovina





Grb Općine Čitluk

PROGRAM OBILJEŽAVANJA DANA OPĆINE ČITLUK 2012.

Općina Čitluk 24. maja/svibnja 2012. godine proslaviti će svoj dan i 706. obljetnicu od prvog pisanog spomena Brotnja. Kao što je i običaj za obilježavanje ovog svečanog dana pripremljen je višednevni program obilježavanja, koji počinje 19. a završava 24. maja/svibnja.

Petodnevni program obilježavanja Dana općine Čitluk 2012. započeti će u subotu 19. maja/svibnja, kada će se s početkom u 9.30 sati u Gradskoj športskoj dvorani održati 7. Međunarodni stolnoteniski turnir – Brotnjo Open 2012.

Drugog dana, u nedjelju 20. maja/svibnja, u Gradskoj športskoj dvorani u 20 sati na rasporedu je završnica malonogometne lige veterana MZ općine Čitluk, a nakon dva dana obilježena sportskim događanjima ponedjeljak 21. maja/svibnja obilježit će kazališna predstava „Kraljević i prosjak“, koju će glumci kazališta Merlin u Velikoj dvorani Kulturno-informativnog centra izvesti u 12 sati i koncert glazbene škole Brotnjo. Mladi glazbenici publici će se predstaviti u 20 sati također u Velikoj dvorani Kulturno-informativnog centra Čitluk.

Slijedećeg dana u Velikoj dvorani Kulturno-informativnog centra upriličiti će se promocija romana Drage Šaravanja „Novo odijelo“, koja je zakazana za 20 sati, a kulturni program u srijedu će se nastaviti u Galeriji Klub Matice hrvatske Čitluk, gdje će s početkom u 21 sat biti otvorena izložba akademskog slikara Željka Mucka.

Središnjeg dana proslave, u četvrtak 24. maja/svibnja, program će započeti u 10.45 sati polaganjem vijenaca ispred Spomen križa za sve poginule hrvatske branitelje Brotnja, nakon čega će u župnoj crkvi Krista Kralja u Čitluku biti služena sveta misa zahvalnica. Istog dana u 12 sati u Velikoj dvorani KIC-a biti će održana Svečana sjednica Općinskog vijeća Čitluk.

Petodnevni program obilježavanja Dana općine Čitluk 2012. završiti će nakon Svečane sjednice Općinskog vijeća Čitluk prigodnim domjenkom u hotelu Brotnjo.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc-bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

Europski pokret u BiH donio je i Rezoluciju u kojoj se traži da se, konačno, s deklarativne podrške ulasku u EU prijeđe na konkretnu realizaciju tih zadataka, te da se 9. maj/svibnja, Dan Europe, proglasi državnim praznikom BiH.

ODRŽANA SVEČANA AKADEMIJA U POVODU OBILJEŽAVANJA DANA EUROPE

U organizaciji Europskog pokreta u BiH u utorak je u Vitezu svečano obilježen 9. maj/svibanja – Dan Europe. Ovom prilikom održana je svečana akademija, a prisutno je bilo niz uglednika sa svih nivoa vlasti, te brojni predstavnici međunarodne zajednice.

Okupljenim uglednicima prigodnim riječima obratio se predsjednik Europskog pokreta u BiH, Predrag Praštalo i izrazio nadu kako će BiH uskoro završiti put ka Europi kojim se sada kreće.

U ime Vjekoslava Bevande, predsjedavajućeg Vijeća ministara BiH i pokrovitelja ove manifestacije, pozdravila je Željana Zovko, a u ime Vlade Srednjobosanskog kantona, premijer Tahir Lendo. Domaćin ove svečanosti na kojoj se okupilo tristo tih zvaničnika, riječima dobrodošlice obratio se općinski načelnik Viteza, Vlado Alilović jedne od najuspješnijih u BiH.

Prisutnima su se obratili i predsjedavajući Predstavničkog doma Parlamentarne Skupštine BiH, Zoran Živković, Peter Sorenson, šef Delegacije Europske unije i specijalni predstavnik EU u Bosni i Hercegovini, američki veleposlanik u BiH Patrick S. Moon.


Europski pokret u BiH donio je i Rezoluciju u kojoj se traži da se, konačno, s deklarativne podrške ulasku u EU prijeđe na konkretnu realizaciju tih zadataka, te da se 9. maj/svibnja, Dan Europe, proglasi državnim praznikom BiH. Deklaracija je ovom prilikom uručena predsjedatelju Predstavničkog doma Parlamentarne Skupštine BiH, Zoranu Živkoviću, a već danas će biti uručena svim zakonodavnim i drugim nadležnim tijelima entiteta i Bosne i Hercegovine.

Ovom prilikom pedesetak zaslužnih predstavnika struktura vlasti, institucija, organizacija, udruženja, informativnih kuća, sportskih kolektiva, vijećnika, načelnika, koji svojim radom i zalaganjem doprinose bržem i efikasnijem putu BiH ka EU, dobili su vrijedna priznanja: zahvalnice, povelje, plakete.



Evropski pokret u Bosni i Hercegovini

Savez / Zajedno za uređenu i razvijenu lokalnu samoupravu



Tako je načelniku Općine Stari Grad Sarajevo dodijeljena plaketa za Europskog načelnika Federacije BiH u 2012. godini, dok je plaketu za Europskog načelnika BiH dobio je načelnik Općine Vitez Vlado Alilović. Načelnik Općine Bijeljina Mićo Mičić proglašen je za Europskog načelnika Republike Srpske. Priznanje sportskog menadžera dobio Amar Osim, trener FK Željezničar, a njegova momčad je proglašena Europskim sportskim kolektivom. Priznanje Europski kanton dobila je Srednjobosanski kanton, europska političarka BiH je Nada Tešanović, priznanje najodgovornijeg političara BiH dobio je Predrag Kurteš, europska parlamentarka je Borjana Krišto, europski parlamentarac Martin Raguž, priznanje za najkonstruktivnijeg opozicionog lidera pripalo je Fahrudinu Radončiću, predsjedniku Saveza za bolju budućnost, najperspektivnijim političarem BiH proglašen je Adnan Jupić, a europski vijećnik, Muharem Grabus, predsjednik Općinskog vijeća Viteza. Dobitnici priznanja Europskog pokreta su i ambasadori SAD-a, Njemačke, Francuske i Slovačke, te ambasade Višegradske grupe, Austrije i Slovenije.



Vlado Alilović, načelnik Općine Vitez

DATA SAGLASNOST ZA IZGRADNJU REGIONALNE DEPONIJE

GORNJI VAKUF-USKOPLJE, 2. maj/svibanj – Općinska vijeća Bugojno, Jajce, Donji Vakuf i Gornji Vakuf-Uskoplje dala su saglasnost za osnivanje regionalnog centra za upravljanje otpadom d.o.o. Gornji Vakuf-Uskoplje.

Centar bi se nalazio na mjestu nekadašnjeg kopa Rudnika uglja "Gračanica", općina Gornji Vakuf-Uskoplje, čije bi poslovanje bilo organizovano na ekonomskoj osnovi, a otpad bi se prikupljao sa područja četiri općine gornjovrbaske regije. U narednom periodu predviđena je izrada projektne dokumentacije i pronalaska izvora finansiranja za realizaciju ovog značajnog projekta.



Rudnik uglja "Gračanica"

ODRŽAN KONSTITUIRAJUĆI SASTANAK KOORDINACIONOG TIJELA ZA OBUKU ZAPOSLENIKA U JEDINICAMA LOKALNE SAMOUPRAVE U FBiH



U Federalnom ministarstvu pravde je dana 04.05.2012. godine održan prvi sastanak Koordinacionog tijela za obuku zaposlenika u jedinicama lokalne samouprave u Federaciji BiH. Ovo tijelo je formirano u skladu sa Strategijom obuke za zaposlenike u jedinicama lokalne samouprave u Federaciji BiH koju je usvojila Vlada Federacije BiH. Sastanku su prisustvovali članovi Koordinacionog tijela za obuku, odnosno predstavnici Federalnog ministarstva pravde, Agencije za državnu službu Federacije BiH i Saveza općina i

gradova Federacije BiH, kao i predstavnici UNDP-a. Cilj sastanka je bio ostvarivanje zajedničkog razumijevanja uloge i funkcija aktera u sistemu obuke, te usvajanje osnovnih dokumenata koji su osnova za pokretanje aktivnosti definisanih Strategijom obuke za zaposlenike u jedinicama lokalne samouprave u Federaciji BiH. Kroz kraću prezentaciju predstavljeni su ključni elementi Strategije obuke, ciljevi i strukture Koordinacionog tijela za obuku, te ključni elementi ciklusa obuke.



Sastanak Koordinacionog tijela za obuku



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

CDMA

Capacity Development Municipal Association
in Bosnia and Herzegovina

Na sastanku je usvojen Poslovnik o radu Koordinacionog tijela za obuku, te je zaključeno da se Jedinica za obuku zaposlenika u jedinicama lokalne samouprave uspostavi pri Agenciji za državnu službu Federacije BiH, dok je Jedinica za obuku izabranih zvaničnika u jedinicama lokalne samouprave već uspostavljena pri Savezu općina i gradova Federacije BiH. Također je zaključeno da Agencija za državnu službu Federacije BiH uputi dopis jedinicama lokalne samouprave kojim će se tražiti imenovanje kontakt osoba odgovornih za obuku. Članovi Koordinacionog tijela za obuku ispred Saveza općina i gradova Federacije BiH su: Džavid Aličić, načelnik Općine Doboju-Jug i Željko Josić, načelnik Općine Domaljevac-Šamac.

SAVEZ PRIPREMIO SET DOKUMENATA KOJI SE ODNOSU NA FISKALNU POLITIKU I PROGRAMSKO BUDŽETIRANJE U BOSNI I HERCEGOVINI

U okviru projekta "Razvoj kapaciteta saveza općina i gradova u Bosni i Hercegovini", koji zajednički implementiraju Savez općina i gradova Federacije BiH i Međunarodna kooperativna agencija saveza općina Kraljevine Holandije VNG-International, a finansira Švedska međunarodna agencija za razvoj i saradnju - Sida, izrađen je set materijala pod nazivom „Fiskalna politika i programsko budžetiranje u Bosni i Hercegovini”. Ovaj set materijala upućen je svim članicama Saveza općina i gradova FBiH, a dostupan je i na našoj web stranici.

Materijal se sastoji od sljedećih dokumenata:

1. Strategija razvoja BiH i MMF Stand-by aranžman

1.1 Izvještaj Misije MMF-a o BiH u 2010. godini

1.2 Nacrt Strategije razvoja BiH sa aneksima

2. Programsko budžetiranje na primjeru Općine Gračanica

2.1 Strategija razvoja Općine Gračanica

2.2 Pravilnik Općine Gračanica

2.3 Sažeti primjer analize dokumentacije za pripremu programskog budžeta

3. Prezentacije na temu Fiskalna politika i programsko budžetiranje

3.1 Programsko budžetiranje u BiH

3.2 Proces planiranja budžeta na nivou države i entiteta

3.3 Uticaj krize i pregled procesa donošenja makroekonomske i fiskalne politike u BiH

3.4 Pregled efekata globalne krize na fiskalnu politiku i poziciju u BiH

4. NEUSVOJENI NACRT DOB-a institucija BiH 2011-2013 i budžetske instrukcije za DOB



Savez općina i gradova
Federacije BiH



Fiskalna politika i programsko budžetiranje u Bosni i Hercegovini

Savez općina i gradova Federacije Bosne i Hercegovine



Sarajevo, Mart, 2012.



Autor / urednik

Naida Čaršimamović-Vukotić, MBA

Saradnici:

Čamil Osmanović, menadžer projekta, VNG-International
Dženita Kovačević, viši saradnik za finansijska pitanja, SOGFBH

Izdavač

Projekat CDMA, (SOGFBH, Sida, VNG-International)

Za izdavača

Erik Boven, voditelj tima, VNG-International
Vesna Travljanin, direktor, SOGFBH



Savez općina i gradova
Federacije BiH



Priručnik izrađen u okviru implementacije projekta "Razvoj kapaciteta općinskih Saveza" (CDMA), koji implementira Međunarodna ko-operativna agencija asocijacije holandskih općina (VNG-International), u saradnji sa Savezom općina i gradova Federacije Bosne i Hercegovine (SOGFBH) i Savezom općina i gradova Republike Srbije (SOGRS), a koji je finansiran od strane Švedske međunarodne agencije za razvoj i saradnju (Sida).

Savez općina i gradova Federacije Bosne i Hercegovine

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

NAJAVA SVEČANE DODJELE BEACON PRIZNANJA

Federalno ministarstvo pravde, Ministarstvo uprave i lokalne samouprave RS i Vlada Brčko Distrikta BiH, organiziraju svečanu ceremoniju proglašenja najboljih lokalnih zajednica u VI krugu i promociju VII kruga Beacon Sheme BiH.

Ceremonija će se održati 18. maja/svibnja 2012. godine u Hotelu "Jelena" u Brčkom sa početkom u 12:00 sati prijemom u gradskoj vijećnici.

Ceremoniji će prisustvovati svi gradonačelnici/načelnici i predsjedavajući gradskih/općinskih vijeća u Bosni i Hercegovini.

Općine koje su ponijele Beacon status u VI krugu Beacon Sheme su **Gradiška i Livno** iz oblasti Ekološki potencijali u funkciji lokalnog razvoja, zatim **Trebinje i Grad Mostar** iz oblasti Kulturno naslijeđe u funkciji razvoja turizma i promocije lokalne zajednice i **Novo Sarajevo i Biljeva** iz oblasti Planiranje i usvajanje budžeta u lokalnoj zajednici.



Počinjajući
SVEČANU
CEREMONIJU
DODJELE BEACON
PRIZNANJA I
PROMOCIJU SEDMOG
KRUGA, PROJEKTA
Beacon Scheme u BiH.

BOŠNIA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO PRAVDE



BOŠNIA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO UPRAVE

REPUBLIKA SRPSKA
VLAĐA



REPUBLIKA SRPSKA
VLAĐA

BOŠNIA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO UPRAVE I LOKALNE SAMOUPRAVE



BOŠNIA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO UPRAVE I LOKALNE SAMOUPRAVE

MINISTARSTVO PRAVDE FEDERACIJE BOSNE I HERCEGOVINE
MINISTARSTVO UPRAVE I LOKALNE SAMOUPRAVE REPUBLIKE SRPSKE
VLAĐA BRČKO DISTRIKT
VLAĐA
Pozivamo Vas na svečanu ceremoniju proglašenja najboljih lokalnih zajednica u VI krugu i promociju VII kruga Beacon Scheme BiH, dana 18.05.2012.god. u Hotelu "Jelena" Brčko.

Program:

- 12:00 Prijem gostiju (gradska vijećnica)
- 12:30 Ceremonija proglašenja najboljih lokalnih zajednica u VI krugu Beacon Scheme, najava izjava
- 14:00 Svečani ručak

2012.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.